

大清光緒十四年

本館新聞除禮拜外日出一紙諸君賜閱本報者無論本埠外埠均可函致本館取閱如外埠閱報照加寄費可也除日報照常刊送外復不惜工本從英國採辦釘書裁紙各機器以待與各官商刊印書籍單件並有英國各種活字及各式花邊等延有西人操印工藝甚精所有中西文字均能刊印並有石版印字大小機器均用精工

第一千九百零一號

# 申報

本館開設在舊巴武口牌第十四號

印工總絕倫前延有文士書寫各體文字現由上海購到各種書籍出售其書目另行刊佈所有各項價甚相宜再本館所登來札原擇其有關世道人心者附登亦不須無礙於人而後始錄其有誹罵成文以及支離費解者概不登報嗣後諸君來札尚祈自諒更須寫實里而後敢登但來稿登與不登均不能將原稿收回也本館謹白

戊子二月十七日

凡刊印告白第一日每一字一仙第二日以下每字半仙 凡刊印告白第一日每一字一仙第二日以下每字半仙 凡刊印告白第一日每一字一仙第二日以下每字半仙

精緻華英月份牌出售 ○啟者戊子歲之月份牌現經印就即在本館發售其畫之工器之美而且較對無誤刻向玲瓏蓋是歲本館再為加工精心構撰款式甚多無論白紙蠟紙色紙與夫描金繪色無不備有以憑 諸君選擇且價甚相宜 諸君光顧者請早 惠臨選購為盼 本館謹白

本館遷移告白 ○啟者本館向開設在源順街第廿五號門牌茲以舊店未盡合宜爰於去臘底遷至舊巴武口萬興土庫對面第廿四號門牌仍照常派送新聞行情船期並代 諸君刊印中西各式單件價廉工美且無延誤 諸君光顧請移 玉惠臨是荷 本館謹白

### 閑邪說

嘗謂邪緣之起非窮由於色而已也而凡可以奪吾性之固結者無不從而擾之以試其畢生之操符而滑其本真之所守則正不知其何以紛紛而錯雜也古昔聖賢知其有累於吾性而為之力剔其瑕疵審其有閉於吾情而為之寬嚴其洗濯故存真先期去偽無使一惡之稍留求潔務必戒欺無使一端之不正由是朝乾夕惕援大易以法其躬精一危微本處書以任其學去稂莠以植嘉禾心田不雜濁流而為清品源本常存此邪之宜閑而為人生刻不容少即為性分稍不容問者豈可置之而弗恤哉而或謂邪之有緣於聲焉夫聲不皆出於邪也天地有正聲古今有雅聲聲入心通性靈之會悟堪珍聲出金石性分之真機難奪而且吉人之聲由心契聞之而可以葆其性之安聖人之聲自心生聞之而可以得其情之正如是則亦何邪之有而不然而嬌聲足以悅耳非絕之而何以收存養之功浮聲足以娛情非祛之而何以淡沉潛之性孔子謂惡鄭聲之亂雅樂其即此歟而聞之則邪聲無由作者亦邪氣不能投矣此邪聲之宜閑有其一而又謂邪之有緣於色焉夫色不盡出於邪也兩間有正色帝王有溫色色由心著平生嚴砥礪之操色本躬修一已定躬行之準而日義氣之色近於嚴見之而可以得神明之定平和之色或於易見之而可以悟心性之真如是則以何邪之有而不然而者媚色足以娛眸非却之而何以淨光明之界間色足以惑正非乖之而何以崇正大之觀孔子謂惡紫之奪朱其本此歟而聞之則邪色無由入者亦邪風不能傳矣此邪色之宜閑有其二而更謂邪之有緣於貨焉夫貨不均出於邪也國家有宜貨間閭有要貨貨可運行不至滯流而無用貨能交易不教偏積而莫通而且服賈之貨宜於公充之而可以擴公平之量懲選之貨遵於法衍之而可以得法度之純如是則亦何邪之有而不然而者奇貨則視為可居非革之而何以成淡定之天寶貨則侵為己有非平之而何以化奸貪之慮孟子謂龍斷宜懲厥因此歟而聞之則邪貨不足紛亦邪思不足擾矣此邪貨之宜閑有其三而並謂邪之有緣於利焉夫利不俱出於邪也則創有美利守成有大利利及蒼生遂表皇衷之正利與赤子尤徵王度之宏而且求仁之利宜於急收之即以淨私欲之藏為民之利宜於多加之即以見征求之却如是則亦何邪之有而不然而者放利足以招尤非屏之而何以成寡欲之名謀利足以累躬非戒之而何以見不貪之寶孟子謂交征賈賈誠不誣歟而聞之則邪利無由來者亦邪心無由縱矣此邪利之宜閑有其四者之外而刑無所開歟而又不然也人生痼蔽之端不一而足有靜坐而頓起淫思有聯朋而旋生妄想而任意不懲初不過如火之始然後必至燎原之難於撲滅勿謂惡小而可為防微杜漸古人常念念不忘矣故曰禁心不如禁目是所望學慎獨之君子

### 諭自恭錄

○正月初十日奉 旨敬信現在穿孝所管爾白旗滿洲副都統着崇禮署理欽此同日奉 上諭敬信現在穿孝禮部左侍郎著清安兼署欽此○十六日奉 上諭順天府奏援案請撥京倉米石專備春賑一摺上年順天各屬被水成災業經賞撥濟米俾資賑濟惟念災區較廣積水未消現值青黃不接之時民力尙形拮据自應量為接濟加恩着再賞給京倉漕米三萬石以資散放餘依議該衙門知道欽此○十七日奉 上諭德馨奏神靈顯應請頒匾額並加封號一摺江西省城崇祀 許真君並龍神 風神均著靈應每遇地方水旱經該官紳虔誠祈禱無不賜雨應時實深廣感着南書房翰林恭書匾額各一方交德馨祇領飭屬分詣敬謹懸挂以答神庥至所請勅加 許真君封號之處着禮部議奏欽此○廿二日奉 阿克東阿着加恩賞給散秩大臣欽此同日奉 旨慶麟豫隨均着加恩賞給散秩

洋鎗新法 ○鎗炮之製日益加精至六響鎗後股鎗連環鎗等已應得未曾有乃近來愈出愈奇竟有出人意表者葡萄牙國有某博士精於格致之學近以新法製成快鎗一種其鎗無須火藥且不用氣鼓擊但鎗內有一銅筒以弓之力擊彈使出其力可與火藥同功現已試用甚為合法云是亦行軍之利器也西人藝術精益求精將見巧奪天工又何可限量哉

奇國巨橋 ○西人於起造一事窮奢極美往往不惜工本但求出色為天下所無如法國之憂意國之塔等亦可見其工作之巨而耗款之奢矣現在意國復造有一巨橋在奧施拿海峽處極其宏麗窮天下之工巧而後造成計該峽兩岸相距有二英里半之長橋亦如之其水有二百六十一英尺之深而該橋之柱僅有兩度橋面距水有三百二十八英尺之高其所以距水如是之高者係欲使大小輪帆由橋下過故也然則其工程之巨曷可思議耶

遊旌復蒞 ○前任叻嶼甲總督安公言往吉隆一事前經列報刻聞制軍已於十四早由隆回叻本館駐隆友人即附原船寄函來報述安公抵隆情形據稱公之旌節於十一日乘坐有浦輪船行抵吉隆港口先是二日前吉隆參政端公接奉叻督施制軍行知言安公將到等因屆期瑞公乃率屬乘坐火車至武吉駒勞地方迎接而安遂於是日申刻抵吉隆正準該處防營之兵軍鼓樂及正副巡捕官等均鵠立於火車局前恭迎憲節井工部司峇勝棉考核司成逸士郵政司巫厘士米庫務司綿雷普以及中西員紳等均如禮往接聞公此行係奉廷命往暹欲與暹王商設火輪車路蓋緣前者德法美各國公使均曾請於暹廷欲與暹邦代設而暹廷未能深信故未許允惟喜英國代辦故英廷命公赴暹商酌一切事宜而公銜命東來因赴各處察勘情形再議舉辦也公抵隆後不過暫駐帳幕畢即忽忽啟行遂於十四早抵叻是夜諸朋舊即在西商公暨中聯請主賓酬酢甚歡直至更闌而後散

小呂宋近聞 ○接小呂宋遞來雜簡言該處總督所為之事不能合西廷之意而現在其任將滿故無留任之望將已另簡賢員往接其篆矣

自投羅網 ○某甲者前係日裡某會頭人因西一千八百八十五年之時該處會黨相爭曾為荷官將甲驅逐出境自離日裡後旋起檳城即投入西教堂中願為教徒蓋甲之心以為既入西教則前者罪名自能赦免可以復到日裡亦無所礙也遂於前日言往日裡不意為荷官偵知立即出票將甲拘捕故甲抵日裡不過數點鐘之久即復羅網圈之中矣因查英例凡有驅逐出境之人如私自潛回為官所捕即畢生監禁但未審衙例作何辦法夫天下之大何所不容奚必戀戀於日裡若甲也者可謂別具肺腸矣

痘船禁口 ○前日有意大利輪船名買昔奴由香港地方抵叻船中載客共七百零七名中有四百六十九名係來本坡有二百三十八名係往檳城不意該船中有某客忽患痘症勢已瀕危船中人即於十三晚夜間潛將病者棄於船澳之傍翌早經巡澳之人所見即為報案登即遣差查驗則其人已斃據副官曹驗得死者患痘已約半月之久而正官醫所驗亦然時該船已由船政司署出憑將次啟行國家乃即將船阻止禁諸港外據該船司舟則謂死者并非船中之客惟諸搭客則堅証係同渡之人查凡輪船若患時症者抵埠之後須於口外高豎病旗而該船染有痘症入口之際并未升旗有違例章想國家必將該司舟控究也惟船中有四百六十九人已經登岸則傳染之患亦不可以不防所願本坡居民刻刻留心免為痘症傳染則幸矣


奪婦續聞 ○昨錄甘公茫古魯長盛西鞋店門前被人搶奪婦婦一事其原委業已略約登於報中惟掠該婦去後至今尚未悉其踪跡第聞竊某偕一同居之婦某氏赴至護衛司畢公案前控告據某氏婦所控謂目擊其事願作証人其掠婦上車而去時車中則有二粵人一係順華娼樓之主名黃金勝者一係順華娼樓充當廚役之人其餘穆拉油二人疑即降頭之師者至若下乎掠婦實為該院廚役之人目擊情形龐兒可認故畢公即飭差立傳該院龜鴉到案訊究詎知龜鴉等狡展異常據供掠婦一事非其所為畢公多方盤詰猶不肯認故畢公怒勒限該院龜鴉等會須於三日之內交婦到案以憑核奪如違限約即將案內諸人轉解公庭審決以期水落石出惟現已將該院娼牌收回不准開門賣俏至若三日之內仍不將該婦交出即銷該院娼牌此後不准作皮肉生涯矣第未知一顆明珠果能還於合浦否耳

詣院求治 ○粵人曹某向在某輪船傭工於十四日該船由港抵叻泊於丹戎巴葛曹某有微發常備有各貨至叻發售先是於數日前曹在船中忽為病魔相纏頗為增劇抵叻後欲為遣醫調治爭奈各貨未售藥費難籌誰是沉痾抱恙不可以風以故托其伴陳甲代將各貨出售詎知陳素有賈德之癖得費到手儘向賭場負去不敢復歸船中第以曹病臥床榻度日如年以陳久出不歸知有他懷乃着別夥四出偵騎踪跡杳然曹不得已強支病體欲自行登岸因處訪查無奈病軀疲倦不能行勉強支持匍匐而進詎知甫登彼岸猝然失足墜於水中各伴日擊其事急為拯救始免誤向龍宮歸去維時適有巡差察至觀此情形知曹已染重恙即昇送於國家醫院求治未悉藥石有靈果奏奇功否耳噫陳之摺費負去要亦忍心人哉聞曹此次借貸之費約值英銀十八元半云

驗屍飭埋 ○十四日馬車街有不知姓名之人倒斃道傍業經巡差察覺報案請驗旋經驗屍官馬君暨同陪陪驗諸員偕赴屍場勘驗驗畢判謂該屍病致斃與人無尤飭屍棺殮完案

驗屍飭埋 ○十四日馬車街有不知姓名之人倒斃道傍業經巡差察覺報案請驗旋經驗屍官馬君暨同陪陪驗諸員偕赴屍場勘驗驗畢判謂該屍病致斃與人無尤飭屍棺殮完案

啟者本公司製造開關新式坡直落亞逸尾地方發易多年專造一切靈  
巧機器火爐火鋸及大磨地之器具及大小輪船汽機鍋爐各種新式鋼鐵  
器皿一應俱全無不堅固耐久經便合用第六甲地方本公司開設有餘歲並



代中西商修整各種損壞機器工價格外公道如有 貴客賜顧者請至本  
廠面議特此佈聞 西一千八百八十一年十一月廿六號 總來安公司啟


**美國峇打打厘號新欸時鏢出售**

啟者茲本行由歐洲辦到峇打打厘號之新式奇巧時表來叻發售其鏢之巧妙實不可階約而計之其妙有五蓋其針行甚準無論位之動  
靜時之寒暑均無不驗所行晷度累黍無差且閱一月之久而亦不舛分秒之時一利也且其鏢之行不惟甚準而堪令人憑信不致觸目生猜  
二利也又其鏢機輪甚佳且殊堅固最堪耐久即與年湮代遠亦無廢壞之虞三利也至其鏢製其精不惟適用而且美觀令人見之愛不釋手  
四利也矧其價復甚廉較之他表殊為省費五利也有此五利則誠非尋常可及且買此表者可保其用一年無須修理且一年之後即須修理  
亦無庸照其時價若他表須二元始能修理者而此表則不滿僅六角之資即能修復甚且無須六角蓋其機器係為新創其製造之法甚且請  
易於拆脩故也此表在美國係用機器製造計每日可成表二千枚故其料美價廉誠非他家可及而峇打打厘製有表鏢多各欸俱備且  
其欸最新其工最巧較諸近來行用者又勝一籌矧其價復甚廉每鍊價銀僅由六角至二元至其表鍊黃者如金白者如銀令人觀之無從辨  
其真贗倘諸君有欲購買者請至本坡各洋雜貨店中相閱如該貨未備則請至本行面商本行坐落土庫後街匯豐銀行之鄰 諸君惠臨疑  
移 玉趾至於本坡則惟本行代理並無別家並此佈聞 諸惟惠鑒  
大英一千八百八十七年六月十五號 大清光緒十三年閏四月二十四日 莫實得洋行謹啟

**中外眾國有限保險公司**  
啟者本公司總局設在香港多年備  
有資本銀二百萬元已先收股份人  
來銀六十萬元及餘存銀六十萬元  
在加保本行代理承保各商貨物  
運往各埠各名各埠其保費均  
照例所有花紅之數俟結賬之後  
劃分派給一千八百七十八年  
一千八百八十年每股得利息銀廿五  
八仙又一千八百八十年至一千八  
百八十二年每股得利息銀廿一八  
仙諸貴商賜顧者請至本行約商  
可也 大清光緒九年 月 日  
英一千八百八十三年八月廿七號  
毛實德公司謹啟

啟者現本行  
由上海辦  
到活字排板  
石印各書  
甚多約計  
百餘種以  
便諸君採  
購如蒙賜  
顧請至本  
行面議不  
誤此佈  
莫實得洋行謹啟

**蜜酒出賣**



啟者本行由歐洲辦到上等密酒  
來叻發售其酒甚佳茲將標頭印出  
諸君光顧祈為細認免致有誤倘  
有無恥之徒假冒本行鎖匙標者本  
行定必嚴為控究再此酒不能販往  
加勝吧 三寶壟 泗里末  
望加錫 檳榔嶼 日裡等處其  
他各埠均能運往並此佈聞  
一千八百八十六年十一月十  
日 莫實得洋行謹啟



莫實得洋行謹啟

新張佈告 ○啟者現余自行開創洋行一間在麻六甲街第五號門牌自作生理兼與諸君代辦歐洲貨物其字號曰實也公司 諸君賜顧請移 玉惠臨是荷 大英一千八百八十八年三月二十號 實也公司 啟


線 轆 出售



啟者本行專辦英國寶拿士布碌機房各色上等棉線轆發客 此線轆與線球不同線身光滑於縫衣脚車手車甚為合用每 個足長一百碼價甚相宜曾經呈請英國 考驗幸蒙賞賞并賜金錢羊頭號標為記 本行因此線雖久已盛行外國惟亞洲一 帶向恐未有周知故特辦此東來俾得利 便中華之用 諸君一用始知余語之非 虛 貴客光顧請認羊頭號標牌為記 香港希士洋行 大英一千八百八十七年十一月三十號 新嘉坡代人明馬也公司謹啟

三 啟者本行督辦歐洲馳名三品洋酒來叻發售其酒係以頭次 釀造有年沽飲 諸君莫不稱其香美奈近有無恥之徒假冒本 庄三品酒款式以圖魚目混珠殊為可恨嗣後 諸君若買本行 酒者請認明本庄 牌之內有小紙包註明本行 字號為記庶不致誤 若此字樣即係偽冒請為細認特此佈 聞 大英一千八百八十五年十二月十九號 大清光緒十一年 月 日 明馬也公司 啟

活侯亞士堅公司告白



啟者本公司向來開設本坡久為中西 商翁所賞識茲承英京末汝公司之命託本公司為該公司臨叻代 售機器之人本公司既受所託不得不代為力肩鉅任將該公司辦事之誠製造之美以及貨物之多盡舉以 告海內 諸商翁知悉該公司向來開設英京歷久無異素為英國人所賞識不特為英國人所賞識又為 鄰國人所賞識不特為鄰國人所賞識且為天下各國人所賞識蓋因該公司立心持平交遊盡善物料既美 製作精所以能選美譽於本國鄰國及天下各國者皆為此也現計該公司所製造之器械甚多筆墨難以 盡述更僕不可而罄非親至該公司目擊斷不能備詳所見茲不過略舉其大概言之亦存什一於千百中之 意耳至該公司現經運到本公司存貯代售其中件數堆積如山邱不可枚舉茲因篇幅太狹不能盡述以備 諸商翁覽擇其要而通行者略舉數端以為 諸君採擇焉如水厚水筒皮帶等其價較別家稍為相宜 貨而亦視別家為特妙請 諸君移玉到本公司一觀真有所聞未盡所見之概不啻遊山陰中道令人接應 不暇矣至於本公司又有製造做大號之機器以及水厚等之機器亦是名目太多不能備列謹此奉告尚祈 實然賜顧為慰現本廠已遷至工部局貨倉左鄰近復分枝一廠在吉隆坡仙師爺宮後大馬路至下巴雙 河邊橋頭右邊開張以便吉隆 諸君選沽機器以及修理機器等事 諸君光臨請移玉趾是荷 大英一千八百八十七年十一月九號 活侯亞士堅公司謹啟

精脩機器 ○啟者本行承接修理及製各種機器及輪船一切機器諸如碩俄火確蓋丕之鋸諸機器不能備錄并有花鐵欄杆等物 出售并能代脩代製均精工妙製保能歷久不磨而且價甚相宜諸君有欲 賜顧者請移玉趾公源六甲本廠內相商不勝幸甚特此佈 大英一千八百八十七年十二月三十一號 關好顏機器廠謹啟

餉碼招商告示 ○寶勝越等處地方參政使司 為招商承餉事照得本國家所設之烟酒賭碼於西一千八百八十八年六月三十 號即華戊子年五月二十一日即已到期先期招商承充本屆餉碼係於是年七月一號起承辦以三年為期計開 起計而沙耶港亦在其內 以上各碼如入票承充者須用英字封固於西一千八百八十八年四月十六號即華戊子年三月初八日上午九 點鐘以前寄交本參政司署以憑取閱至於各票須書明烟碼賭碼若干酒碼若干再結總銀若干以憑國家取 不得執價高者得之例投標者須有保結之人並照實辦越國家所立之約而行不得違背特此示知如有欲悉其詳細者可至本參政司署或 在新嘉坡本國家代理人然申洋行詢問均可各宜踴躍投票幸無觀望 茲再申明各碼所得之利權如左 烟碼由丹戎勝卓 起至峇南港止 酒賭碼由丹戎勝卓起至沙耶港止 如有投得烟碼者或自行製造或由外處載來其烟膏烟灰可以自賣並可出牌與他 人販賣 如投得賭碼者或自行開場或給牌與他人開場其酒碼或自行製造或由他處載來均從其便 凡投得烟碼者國家當派巡差二 名在公保護賭碼亦派二入至餉碼大埠之賭場保護 烟價零沽每元六錢雜甘椒園及港主到買則每元當沽七錢五分而港主若買回 在其該管地方發賣每斤亦以六錢計俾港主得利以資體貼 每月所繳餉銀須交銀或本國銀紙銅錢等而銅錢每月銀止可夾 至二千五百元不能多前此通知 大英一千八百八十七年十二月三十一號

歸費被竊 ○潮人李甲與劉乙有瓜葛之親同客天南時關痛癢惟劉年屆耳順作小販經營寓於甘公巷古魯食力辛勤積有數十餘金近李以其年高也恨去日之已多悲來日之苦短久客他邦終非長策乃欲着其歸里因助五十金以作盤費劉感激其德遂決歸思爰即收拾行裝以俟便航東渡不料於十四夜劉適外出購物不知阿誰竟將其篋筒開攔盜英銀而去約有百餘元之譜嗣劉察覺却恨白銀疊疊化鳥飛去不究不知梁上君子終屬誰人登門暗報捕房旋經有幹差數名到寓搜察時同寓中尚有二人一為麥姓某丙餘一人則未悉其姓氏者惟差到搜匪據全無第搜麥之篋筒有鎖匙一具與劉之鎖鑰適相符合該差遂疑其作盜也因拘麥等二人統逮案中現猶未實究辦不知奚如耳

馬傷傭婦 ○粵婦某氏年登五十餘齡向在小坡新街某宅中充當傭役於十五日緣事外出出於門不過僅閱數十武忽有一馬車風捲電馳迎面而至該婦急為讓道詎知車近婦前其馬忽發狂性仰天跳躍婦避弗及故被車推仆道中為馬踐傷胸際昏然罔覺後該御力馭其馬驅車疾逃嗣該婦之東閣警出視目擊情形殊為憫惜乃早婦歸家遣醫而治聞婦雖傷頗重諒亦無性命之虞然已不堪設處矣噫該婦亦可謂无妄之災者矣

此中人語 ○日本報云該國婦女寡廉鮮恥不惜失身於人其心惟以養父母贍身家為重故從他國人雖眾往往有始無終日官雖顯體面禁止出口而暗度陳倉者仍實繁有徒即如海山威新嘉坡煌煌然設有領事官凡有日婦到彼一經查出不過罰洋數元仍聽其為娼若新嘉坡近來則尤甚該報述新嘉坡來信言由日本來之卑陋婦人日盛一日此處日本男子僅十餘名而婦人則多至二百數十名陸續船到有增無減此處近都會自西至鮮苗各埠及南至濠洲諸島日本婦人之足跡無地蔑有推原其故良由龜鴉在彼開設青樓往返勾引女子嗜錢不惜其身以博利初去時必先取身價到後粗習賣俏之法即以美麗衣服妝扮至期滿以纏頭折半價樓主夜合資極貴凡業皮肉生涯者貌至醜陋每月亦得百元以外其中有一鴛鴦青樓之主典妓女身價積有三萬金所蓄錢子不下四五十株統計青樓十二羣聚一處地名遊廊巡查皆穿白洋服日人呼為白人士人有喧嚷爭鬧事惟白人能鎮壓日人倚為護身符於其來也率家奴頭婢膝以博其歡此外無一日人為別項生理者我國體面何在可勝浩歎

三韓新錄 ○有某兵船之水手於禮拜日放假上岸從翹秀才遊醉後闖入三里秦某妓館偶不遂意大肆咆哮妓憤不能平順手取銅尿罐迎面拋去某水手不敢據其鋒踉蹌往西而遁見者咸撫掌稱快○秋間敦賀丸輪船由烟臺回仁川在成山洋面拯救遭風失事難民孫正浩等八名當交領事署費送回籍前稟報政府奉諭製造匾額一方西式銀杯一座寧綢兩疋洋酒兩箱以酬其拯救之勞銀杯係託某西人在香港定製者高可盈尺雙龍鑲邊四圍鑲飾人物山水失事船隻上面鑲有中西文字精巧絕倫適敦賀丸去冬抵港洪領事即備文送請日本領事官轉交該船主收領該船主大喜過望隨由日領事帶同至洪領事署叩謝於以見中東之和好云

福州南臺竹枝詞八首 ○製就沙棠泛碧漪家家船上載燈籠十三學拍紅牙板丁字簾前唱柳枝○橋頭壁月落深杯橋下蓬窓笑語陪一種揀人眠未穩五更風送點歌翠○紅兒善媚雪兒嬌燈下金尊月下簫一串歌飛浮一白爭愁游子不愁消○當筵博戰腕爭舒十指拈來雪不如奪得幾籌頻斲飲酒痕狼藉滿衣襟○胡旋妙舞影迴旋風韻依稀似小蠻一捻腰肢秋瘦瘦雙鉤眉嫵月兒彎○酒闌燈灺漏聲聞眉語鉤人細意傳碧玉懷中溫似玉迴身那不惹人憐○妾身好似橋頭石耶夫真如橋下波片石年年江上望波流無定奈愁何○釵光發影碧波涵夜夜笙歌處處酣魂斷江南橋上路落花風景似江南

京報選錄 ○奴才錫齡跪 奏為旗官被撤尋狂同用洋炮連斃職官二命應將該員先行革職以便歸案訊辦謹恭摺具 奏仰 聖鑒事竊奴才本年三月間據軍機馬步各旗隊統領 記名提督馬玉崑稟稱查得管帶軍標右旗馬隊花翎總兵銜補用副將衛勇巴圖魯陳宗勝性情偏執近日常以浮屠更甚稟請派員更換以肅軍律各等因奴才因念該營駐紮博羅塔拉為伊犁及塔爾巴哈台接壤之地辦理操防最關緊要未便稍懈姑容致滋貽誤當即遴委參將銜補用遊擊謀勇巴圖魯梁炳炎前往接管詎料梁炳炎尚未到營陳宗勝聞有被撤信息驟變矧其形似瘋狂竟以三月初六日用手用洋炮將其哨官守備銜拔補把總馬應元代辦文案花翎同知衛勇巴圖魯宗海馬應元斃命該管哨弁等見其逞凶妄為立將該員緝縛本營循環看守一面飛稟請辦梁炳炎旋到營接管務後即將一切情形具文稟報奴才聞聽之下不勝駭異當委前署撫民同知駱恩綬隨帶刑弁馳赴該處如法相驗去後旋准駱恩綬詳報據驗得馬應元馬宗海二人周身並無別故確係生前被炮子轟傷斃命訊及陳宗勝亦供認不諱証以聞警弁勇共見其間均無異詞填格錄供具報並將陳宗勝解來伊犁歸案訊辦各等因奴才飭將馬應元馬宗海二人屍身即行棺殮兇器洋炮查庫並將陳宗勝暫行收監竊思該員係屬職官竟敢恣不畏法連斃職官二命實屬凶橫已極理合請 旨將總兵銜副將衛勇巴圖魯陳宗勝即行革職容奴才詳加研訊再行依律定擬所有旗官瘋狂用洋炮連斃二命各緣由謹恭摺具陳伏乞 皇太后 皇上聖鑒訓示謹 奏奉 硃批陳宗勝着即行革職歸案訊辦該部知道欽此○頭品頂戴漕運總督臣盧士杰跪 奏為謹將查勘堰雨各工及湖河水勢各情形恭摺具陳仰祈 聖鑒事竊臣於光緒十三年十一月十五日具 奏

漕運總督臣盧士杰跪 奏為謹將查勘堰雨各工及湖河水勢各情形恭摺具陳仰祈 聖鑒事竊臣於光緒十三年十一月十五日具 奏

河水勢強起堰助工各緣由拜摺後自清江起程前赴壩塘廳屬之壩洞徐壩二汛將各處工程周歷察看查智信仁義四壩及林家西壩均各兩築料土六十丈至八十丈外包碎石田壩三十餘丈至四十餘丈壩上分積料土碎石以備防險各堡壩礮士一百七段共長九百七十餘丈禮字河壩兩面做裏頭其近接蔣霸鎮市之處前砌碎石以資保護此臣九月初八日所奏應辦之工也各堡壩工間有石塊波浪擊脫均經選料修補計單長四百五十餘丈此臣十月十五日具奏應辦之工也臣逐細查勘均係如式修築並無草率偷減惟南河工需因協餉未能如數本多不敷前項工程事機至迫暫時挪款應用急待歸還此仍有應修土石等工備防來年大汛容臣會商兩江督臣曾國荃一併妥籌隨時具奏臣在工時適值西北風大作洪湖水勢雖已漸消猶復驚濤駭浪震撼非常幸要工已修向堪抵禦遂於十八日回至清江查至馬頭落水五寸貯存水一丈一尺八寸其餘淮揚運河各落水數寸邳宿運河水尤淺涸涸臣謹當督飭各員弁認真防範不敢因水勢漸消稍涉大意所有查勘堰貯各及湖河水勢情形理合繕摺具陳伏乞 皇上聖鑒訓示謹奏奉 硃批工刑部知道欽此 ○盧士杰片 再本年六月初一日啟放劉老澗滾壩經臣於六月十三日奏報伏伏各工摺內陳明在案迨交秋令水勢漸消查該壩在運河上游為黃淮下注經所不經之處自應照章堵閉蓄水以通舟楫前經飭廳塔築於九月初十日一律工竣據徐州道段哲查驗稟報前來除將做過工程用過銀兩照案歸於光緒十三年分工程需案內造報外理合附片陳明伏乞 聖鑒訓示謹奏 奉 硃批該部知道欽此

**承頂聲明**

啟者新巴武門牌第二十五號南昌生菓什貨生理原係蔡養初蔡惠儀陳進任張進合等合股同創茲因蔡養初等志圖別業自願將該店生理頂與余承受業於二月十二日當公親面前將各數目核明交易清楚以後南昌照記生理盈虧不干舊人之事倘蔡養初等與各寶號交易以及揭借等項惟向經手是問與新承頂人毫無干涉先此聲明以免後論特此佈聞  
光緒戊子年二月十七日  
承頂人南昌照記謹啟

**表揚善行**

牧師閣約翰先生英國人也秉性溫良持躬誠篤儀容軒爽詞語溫良更得賢內助以匡勸同心慕道克承 主宰傳播福音行道四方愛人如己前旅叻地亦已有年節儉躬行以率羣類居恒惟儉一榻僅堪容膝每飯蔬食菜羹清泉淡水而已其出門則綴帶輕裘布冠葛屨手持雨傘背荷書囊僕僕風塵雖陰雨之際盛暑之時亦所弗輟孜孜講道一以勸人為善為心見臥病之輩則憐而撫之見纏繞之人則憫而慰之 先生之心一無所慮惟憂其道之不行而已是以數十年來處心積慮闢有教堂數處曰耶穌正教曰長老公會是皆欲傳真理然費苦心由是積勞以致成病而先生猶不厭其苦帶病傳經以故日益纏綿勢頗劇醫士因勸其暫離水土莫獲安痊先生不得已乃召諸門徒齊集家中告以將歸之故並與眾歌詩祈禱禮畢先生乃訴離懷易正教諸人益圖奮勉象拱手聽命先生乃遂一接吻畢乃留一詩云 分別忽忽在此朝 迢遞天國豈云遙 勸君儆醒來時路 後會天堂豈寂寥 詩畢諸人聞言淚沾襟袖離懷悵惘因和以絕云 無窮離恨在今朝 弱水三千別路遙 此去願祈珍重好 休教吾輩歎寥寥 先生亦可傳矣 戊子式月十五日 黃清泉啟

**倒盤產業出投**

啟者茲承直勞智人顏君之命將瑞豐號倒盤產業定于西本月廿一號即華本月拾九日禮拜六上午十點鐘在麻六甲拍賣園坵一區坐落泗雅峇汝汝地方大有一千五百八十七畝其地漆係四千二百八十四號其契內注明現批與人十年由一千八百八十一年七月五號起算每年租銀一千一百九十一元又屋地一區坐落麻六甲之吉靈街該地業已建有屋宇乃永遠自主之業以上之地均係貴重物業與平常園地不同實為上產 諸君有欲置業者請屆期 玉臨相買是荷此佈 大英三月廿七號 巴越館主謹啟

**輪船行期**

啟者茲本行之永生輪船業於西本月廿二號即華本月初十日由加里吉打展輪准定於西本月三十一號即華本月十九日禮拜六必能抵叻上落貨訖欲往 香港 汕頭 廈門 淡水 臺灣府 福州 上海等處 貴商如欲配載及搭客者請至本行相酌此佈 大英一千八百八十八年三月廿四號 威廉施實略洋行謹啟

**再生大德**

同濟醫社蔡鳴南先生今之和緩也人皆知其方脈之精而不知 先生痘科尤為神妙客臘荆人患痘勢已瀕危得先生為奏刀圭熾手獲痊功殊神速且 先生利物情殷同袍誼重饒送謝儀堅辭不受是實能善體醫社之心為心者余荆人感再造之恩無從圖報爰勒數語附諸日報藉以頌 先生之德即以欲醫社之功云 光緒十四年二月十一日 弟鍾湛泉拜頌

**眼科醫士將到**

啟者西醫羅倫士眼科中神手也生平精於醫學而於眼科為尤長前在倫敦架刺吉打孟買各地方均著盛名有眼科雜症經其醫治無不應手獲痊無論近視遠視以及一切疑難之症均能剋期而愈茲將到叻中行世定於西四月八號即華本月二十七日即能抵叻寓居拋球場大酒店中茲特預為佈聞 諸君就教請 移玉惠臨是禱 大英一千八百八十八年三月二十一號 謹啟

**收買加旋柴料**

啟者余有磚窰二間開設於叻柔兩埠茲欲購加旋柴以充燒磚之用倘 諸君有欲承供此柴者可到本寫字樓入票以憑選擇倘欲知其詳細可至國家信館隔鄰商務局樓下向余詢問便得 大英一千八百八十八年三月廿一號 誠浮禮沙謹啟

有眼科雜症經其醫治無不應手獲痊無論近視遠視以及一切疑難之症均能剋期而愈茲將到叻中行世定於西四月八號即華本月二十七日即能抵叻寓居拋球場大酒店中茲特預為佈聞 諸君就教請 移玉惠臨是禱 大英一千八百八十八年三月二十一號 謹啟

聲明假冒 ○啟者小號朱有蘭白蘭紅烟以來俱親到鶴山深辨正地道上等烟葉用心揀選不惜工料配製得宜食其氣味真香醇誠非尋常除疫之功原蒙 貴客富商光顧歷有年所故能中外馳名乃近有無恥之徒希圖射利不顧羞惡以偽作真欺騙四方貴客假冒本號招牌字樣實喪心昧良之甚本號明查暗訪早知其人在某處混裝本欲出重花紅賞格指實證據稟官 官獲究惟以厚道待人尚望其改過自新也切思如果貨式真實儘可自開門戶又何可冒人姓名甘自充人奴僕荷圖衣食以貽子孫羞乎茲特為之佈明嗣後倘仍不悛必定指名控拘一經彰揚誠恐大壞名聲不能齒於人類也所勉思之無貽後悔是所厚望焉 光緒十四年元月廿一日 朱有蘭謹啟

工部局 ○啟者本局定議於西三月一號即華本月十九日起即收取西上半年稅務所有應繳上半年之稅請本局所啟者可親至本局賬房交納每月由禮拜一至禮拜五日上午拾點鐘起至下午三點鐘止每禮拜六則拾點鐘起至拾二點鐘止均可到交至於各店戶人等有自製水喉引入屋內者則按季納稅今可先還三個月此外如須領取各種執照亦可照以上期內到局領取茲特通知各宜遵照毋致自干咎戾也 大英一千八百八十八年二月二十九號 工部局司理人員里宜不刺兀禮付謹啟

上等呂宋烟出售 ○啟者本行由小呂宋督辦上庄選葉呂宋烟發售其貨均屬上等並無低貨攪雜且價甚相宜其中每箱有廿五枝者有五十枝者有一百枝者各款俱備香美異常因邇來西人年節將屆用此以作禮儀餽贈最為合式且能與 諸君代辦小呂宋各貨諸尊賜顧請至士庫花園邊奕爾堅洋行之後與密加釐士打索路店隔鄰本行相酌是荷 大英一千八百八十七年十二月七號 義士連洋行謹啟

西國醫士佛羅斯配製治病滋補氣血藥水能治肝癆肺癆胃弱飲食停滯心悸多驚四肢酸軟身體虛弱酒色過度等症經馳名於世二十餘年天下各國講究調養者多經服用屢試屢驗此藥水用玻璃樽裝載其如何功用另行布列一紙用華字印刊每樽附送一張用此藥水者每日服三次俱晨午晚膳後乃服每次用一茶匙以冷水或凍茶一酒杯調服須食一樽之譜方得見効如蒙 光顧請到中國各口岸西人藥房採買其在本坡則各藥房均有發售如欲多買者則請至然里直洋行對門之新嘉坡藥房即勞末申藥房內麥加君處選購大樽每樽分作一百二十八服價銀一元半樽每樽分作六十四服價銀一元此佈 大英一千八百八十八年正月十八號 美國紐約佛羅斯公司謹啟



英國新出頂上花露水出售 ○啟者本公司所製之花露水及高浪水最為佳製其香之清而且久非尋常可及素已馳譽歐洲用此水者莫不噴噴稱爲妙品歷經荷蘭領寶星七次以獎其佳然則其妙處可知茲欲廣為通流故特佈告倘 諸君有欲採辦者祈請函致本公司取討價單便知一切特此佈 聞 大英一千八百八拾七年四月廿五號 加刺安巴馬厘公司謹啟

RIGAND'S KANAGA WATER.

列頭于那芽花露水 ○此水係以干那芽花所製其花出自日本國中香冠凡卉乃列頭君在日本探辦載回法京製成此水以故其香甚清而其用亦甚善如皮膚有皺裂等病抹此香水固能愈痊尤可解蚊口之毒若以香水和水盥洗固能令人肌膚嫩滑顏色光潤且瘡癬不生本藥房製成此種花露水銷流已久遐邇傳揚不料近有德商仿照本藥房所造此水以圖射利其質氣味遠遜迥隔霄壤 諸尊有購買此水者請看以下所列諸款之西字標頭本藥房所用製載此水之樽係有浮凸三樣如下所列第二款式且有西字註明列頭公司字樣如標各均有親書號據始爲真貨否則係爲混冒尚祈慎購至於各式人等有假冒本藥房花露水或由外處運來或在本坡發售一經本藥房查出定必嚴行控究至本藥房之花露水係託新嘉坡藥房麥加君代售並未開枝別處併此聲明此佈

'KANAGA DEPOSE' 1430.

MORPHUOL.

橫好呂解毒葆元藥丸 ○此丸端治虛損吐血花柳傳毒咳嗽哮喘目痛重舌等症其效如神且不惟解毒並且能調和營衛葆養精神現用法英美各國醫士所用花柳敗毒之藥均用此丸無不藥到病除立見春回若服此丸須仿照魚肝油之法要緩緩吞下必於用飯時吞服一二粒切勿誤爲急吞以背非此法此丸係以樽裝載每樽計一百粒現託新嘉坡藥房麥加君處代售此佈 大英十一月八號

SANTAL MIDY.

DR. MIDY'S SANDAL OIL CAPSULES.

檀香油藥粒 ○此藥係製成油質以薄皮一重裹作粒形以便易吞而其藥力能治花柳淫毒白濁白帶癢閉一切等症如症雖痛癢之立止而服藥後約歷二三日即見功效但所患過重者須每日吞服六次每次吞服二粒至痊愈後宜再服十日庶得消除後患永絕根株惟服此藥時宜戒色慾氣怒怒勞動等事幸勿自誤致礙藥力之不神也現此藥託交新嘉坡藥房麥加君處代售此佈

FRUIT JULIEN.

浮律如里馬菓糖 ○此藥糖係採鮮果之汁加以藥料和製成塊略如糖粒氣味甘佳而其功效較於瀉油爲日無論男女老幼均能服食且其味有如菓最為適口尤爲小兒所愛其藥力均可治胆汁太多重舌頭痛鬱結大便不通斑疹血熱血毒以及皮膚癢癢等症服之亦可涼血行滯且能令臟腑潔淨痼疾立除但服之法宜於臨睡時吞服一二粒至翌早飲茶一杯須臾即覺大便通利身體爽快現此藥託交新嘉坡大藥房麥加君處寄售此佈

